

**Служба с акафистом
преподобному отцу нашему
Сергию, игумену
Радонежскому, чудотворцу**

**Москва
«Книга по Требованию»**

УДК 291
ББК 86.3
С49

С49 Служба с акафистом преподобному отцу нашему Сергию, игумену Радонежскому, чудотворцу / – М.: Книга по Требованию, 2019. – 73 с.

ISBN 978-5-458-16857-1

ISBN 978-5-458-16857-1

© Издание на русском языке, оформление
«YOYO Media», 2019

© Издание на русском языке, оцифровка,
«Книга по Требованию», 2019

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первозданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.

С Л У Ж Б А

с о

АКАѢИСТОМЪ

ПРЕПОДОБНОМУ ОТЦУ НАШЕМУ СЕРГІЮ, ИГУМЕНУ

Радонежскому, Чудотворцу.

Вечерь, на малѣй вечерни стихиры на 4, гласъ 5.

Подобенъ: Преподобне отче:

Преподобне отче, душу твою съ тѣломъ очистивъ, Святаго Духа прекрасная обитель явился еси, иже славна тя концемъ, преблаженне Сергіе, содѣя: въ чудесѣхъ же великаго свѣтильника, просвѣтившаго во мракѣ сущія, и наставника монаховъ сошедшеся велемудренно ублажаемъ.

Явился еси, Богоблаженне, мудрая пленица, связуя многая враговъ ополченія:

тѣмже и вѣнцемъ увязлся еси отъ Бога неувядающимъ, и веселіе и радость и славу вѣчную воспріялъ еси, премудре Сергіе. Того моли. Тому помолися, Преподобне, даровати миръ міру и душамъ нашимъ велию милость.

Преподобне отче, тѣлесныя страсти зѣльнымъ воздержаніемъ и частыми молитвами, по́томъ же воздержанія угасилъ еси углѣ страстей: того ради чудесы славна тя Россійскимъ странамъ, славне Сергіе, показа, украсивъ небесными дарми, Христось. Того моли. Тому помолися. Преподобне, даровати миръ міру и душамъ нашимъ велию милость.

Слава, гласъ 6:

Приидите, монашествующихъ множество, днесь Сергіа. благочестія подражателя, пѣсньми и пѣньми восхвалимъ, и честную его и многоцѣлебную раку обстоюще, любезно облобызаемъ, глаголюще: радуйся, преславне Сергіе, отечеству твоему пресвѣтлый свѣтильниче. Радуйся, яко чистѣ чистѣйшему свѣту совокупився. Радуйся, яко Троицѣ предстоиши со Ангелы: Юже непрестанно моли, даровати душамъ нашимъ велию милость.

И нынѣ, Богородиченъ: Богородице, Ты еси лоза:

На стиховнѣ стихиры, гласъ 6.

Подобенъ: Ангельскія:

Отъ матернихъ пеленъ, мудре. Богу возложенъ, Сергіе преподобне, и пустыню яко градъ содѣлавъ, въ ней множества монаховъ собралъ еси, славити многопѣтую Троицу, Юже моли спастися душамъ нашимъ.

Стихъ: Честна предъ Господемъ смерть преподобныхъ Его.

Богомудре Сергіе, аще бо и послѣди лѣты ты новопросвѣщенная Россійская страна возрасти: но древнихъ чести сподобился еси, и дарованія чудесъ достойно приѣмъ. Монаховъ множества пѣснословятъ, и правовѣрною вѣрою Христа хвалятъ, твоими покаяющеся ученьми: моли спастися душамъ нашимъ.

Стихъ: Блаженъ мужъ, бояйся Господа, въ заповѣдехъ Его восхощетъ зѣло.

Яко въ высокихъ чертозѣхъ добродѣтели предуготовалъ еси домъ себѣ, Сергіе отче нашъ, и яко воистинну Божественную свѣтлость зрѣти сподобился еси, въ нюже вселився зриши Святую Троицу: Ейже молися, даровати міру велию милость.

Слава, гласъ 8:

Преподобне отче, міра красоту и сладость временную отнюдъ возненавидѣлъ еси, мона-

шеское житіе паче возлюбивъ, и Ангеломъ собесѣдникъ быти сподобился еси, и свѣтильникъ многосвѣтлый Россійскія земли, чудесми. якоже второе солнце, сіяя. Но всѣхъ насъ поминай, совершающихъ священную память твою: мы бо чада твоя, и овцы словесныхъ твоихъ ученій, и ты на помощь призываемъ, просяще тобою пріяти миръ и велию милость.

И нынѣ, Богородиченъ: Владычице, пріими:

Тропарь, гласъ 4:

Иже добродѣтелей подвижникъ, яко истинный воинъ Христа Бога, на страсти вельми подвизался еси въ жизни временнѣй, въ пѣніихъ, бдѣніихъ же и пощеніихъ образъ бывъ твоимъ ученикомъ: тѣмъ же и вселися въ тя Пресвятыи Духъ, Егоже дѣйствиємъ свѣтло украшенъ еси: но яко имѣя дерзновение ко Святѣй Троицѣ, поминай стадо, еже собралъ еси, мудре, и не забуди, якоже общался еси, посѣщая чадъ твоихъ, Сергіе преподобне, отче нашъ.

Тропарь, гласъ 8:

Отъ юности воспріялъ еси Христа въ души твоей, Преподобне, и паче всего возжелѣлъ еси мірскаго мятежа уклонитися:

мужески въ пустыню вселился еси, и чада послушанія въ ней, плоды смиренія, возрастилъ еси. Тѣмъ бывъ Троицѣ вселеніе, чудесы твоими всѣхъ просвѣтилъ еси, приходящихъ къ тебѣ вѣроу, исцѣленія всеѣмъ подаѣя обильно: отче нашъ Сергіе, моли Христа Бога, да спасетъ души наша.

Слава, и нынѣ: Еже отъ вѣка утаенное:

На велицѣй вечерній: Блаженъ мужъ: первый антифонъ:

На Господи воззвахъ, стихиры на 8, гласъ 6.

Подобенъ: Все отложше.

Міра мятежъ, Преподобне, оставивъ, и вземъ крестъ твой, послѣдовалъ еси Христу невозвратнымъ помысломъ, и въ пустыню вселился еси, Преподобне, душевныя страсти изъ корене исторгая, и тѣлесная чувства огорчевая, и частыми бдѣніи и молитвами благодать воспріялъ еси, Преподобне, цѣлити различныя недуги, Ангеловъ собесѣднике и преподобныхъ сожителю: молися Господу, Сергіе преподобне, помиловатися душамъ нашимъ.

Преподобне отче, кто исповѣсть труды твоя и болѣзни? или кій языкъ изречетъ жестокое твое житіе, бдѣніе же и сухояденіе, и еже на земли леганіе, чистоту душевную и тѣлесную, устнами и умомъ совершенное безмолвіе, смиреніе же нелицемѣрное, молитвы непрестанныя и разсужденіе добро-

разсудное, худость ризную и память смертную? Сергіе, отче нашъ, моли спастися душамъ нашимъ.

Преподобне отче Сергіе, ты врачъ душъ и тѣлесъ явился еси, источая недужнымъ исцѣленія струи, даромъ же пророчествія украшенъ, прорицаая, яко настоящая, будущая. Молитвою бо князя вооруживъ варвары побѣдiti, хвалящіяся отечество его разорити: но самѣхъ богопораженною язвою трупія достойно падоша, псаломски, приидѣ, Преподобне.

Богомудре Сергіе, славу маловременную оставль, и въ пустыняхъ и горахъ ты живой явился еси, и Троицы чистый домъ, блаженне, былъ еси, Еяже силою пресвятыя храмы воздвигъ, и ограды монашествующимъ во спасеніе создалъ еси: живяше же въ тебѣ Христосъ Богъ нашъ. Егоже отъ юности возжелѣлъ еси. Того моли, Сергіе преподобне, спастися душамъ нашимъ.

Ины стихиры преподобнаго, гласъ 2.

Подобенъ: Терпяще мученія:

Терпя нынѣшняя мужественнѣ, веселяся будущими, ко всѣмъ глаголалъ еси, преподобне Сергіе: еда убо туне подвижаемся, но вѣчнаго живота чающе получитьи? люты скорби, но сладокъ рай, болѣзненны труды, но присносущно воспріятіе. Не облѣнимся

убо, о постницы! мало стерпимъ, да вѣнцы
нетлѣнными увяземся отъ Христа Бога и
Спаса душъ нашихъ. Дважды.

Зря яко наслажденіе скорби, шествуя
тѣснымъ путемъ. ко ученикомъ твоимъ
глаголаѣ еси. преблаженне Сергіе: не
устрашимся подвига постнаго: да страшнаго
геенскаго мученія избѣгнемъ, согбеннѣ бу-
дутъ руцѣ, да простираются же къ Богу,
нозѣ же утверждены на молитвѣ предстояти.
Не пощадимъ естества тлѣннаго, изволимъ
подвигъ, да вѣнцы побѣдными увяземся
отъ Христа Бога и Спаса душъ нашихъ.

Отвергъ тлѣнныя ризы. ходилъ еси въ
зимѣ безъ теплыя одежды. якоже въ лѣтѣ.
глаголя, терпѣливѣ Сергіе: за рай, егоже
погубихомъ, ризы мягкія нынѣ отлагаемъ;
грѣхомъ иногда преступленія одѣяхомся,
совлечемся нынѣ, ради нетлѣнныхъ ризъ;
небрежемъ, братіе, о зимѣ преходящей:
плоть изнуримъ, да вѣнцы побѣдными увя-
земся отъ Христа Бога и Спаса душъ
нашихъ.

Слава, гласъ 6.

Еже по образу соблюдѣ невредимо, умъ
владыку надъ страстьми пагубными постни-
чески поставивъ. во еже по подобію. яко
мощно, возшелъ еси: мужески бо естество
понуdivъ, потщался еси хуждшее покорити

лучшему, и плоть поработити духу. Тѣмже монашествующихъ явился еси верхъ, житель пустынный, благотекущихъ обучитель, правило добродѣтели извѣстнѣйшее: и нынѣ на небесѣхъ, зеркаломъ разрѣшшимся, отче нашъ Сѣргіе, чистѣ зриши Святую Троицу, моляся несредственнѣ о иже вѣрою и любовію чтущихъ тя.

И нынѣ, Богородичень: Кто Тебе не ублажить:

Входъ. Прокимень дне.

Притчей чтеніе.

Память праведнаго съ похвалами, и благословеніе Господне на главѣ его. Блаженъ человѣкъ, иже обрѣте премудрость, и смертенъ, иже увѣдѣ разумъ. Лучше бо сію куповати, нежели злата и серебра сокровища. Честнѣйшая же есть каменій многоцѣнныхъ: все же честное недостойно ея есть. Долгота бо дней, и лѣта живота въ десницѣ ея, въ шуицѣ же ея богатство и слава. Отъ устъ ея исходитъ правда, законъ же и милость на языцѣ носить. Послушайте убо мене, о чада! честная бо реку: и блаженъ человѣкъ, иже пути моя сохранить: исходи бо мои, исходи живота, и уготовляется хотѣніе отъ Господа. Сего ради молю васъ, и предлагаю мой гласъ сыновомъ человѣчскимъ: яко азъ премудрость устроихъ, со-

вѣтъ и разумъ и смыслъ азъ призвахъ. Мой совѣтъ и утвержденіе, мой разумъ, моя же крѣпость. Азъ мене любящія люблю, ищущіи же мене обрящутъ благодать. Разумѣйте убо незлобивіи коварство, ненаказанніи же прилагайте сердца. Послушайте мене и паки, честная бо реку: и отверзну отъ устенъ правая, яко истинѣ поучится гортань мой, мерзски же предо мною устны лживыя. Съ правдою вси глаголы устъ моихъ: ничтоже въ нихъ стропотно, ниже развращенно. Вся права суть разумѣвающимъ, и проста обрѣтающимъ разумъ. Научаю бо васъ истинѣ, да будетъ о Господѣ надежда ваша, и исполнитесь духа.

Притчей чтеніе.

Уста праведнаго каплютъ премудрость, языкъ же неправеднаго погибнетъ. Устнѣ мужей праведныхъ каплютъ благодати, уста же нечестивыхъ развращаются. Мѣрила льстивая мерзость предъ Господемъ: вѣсь же праведный пріятель ему. Идѣже еще внидетъ досажденіе, тамо и безчестіе: уста же смиренныхъ поучаются премудрости. Совершенство правыхъ наставитъ ихъ, и поползновение отрицающихся упасетъ ихъ. Не пользуютъ имѣнія въ день ярости, правда же избавитъ отъ смерти. Умеръ праведный, остави раскаяніе: наручна же бываетъ и

посмѣятельна нечестивыхъ пагуба. Правда непорочнаго исправляетъ пути, въ нечестіе же впадаетъ неправда. Правда мужей правыхъ избавитъ я: безсовѣтіемъ же плѣняются беззаконніи. Скончавшуся мужу праведну, не погибнетъ надежда: похвала же нечестивыхъ погибнетъ. Праведникъ отъ лова убѣгнетъ, вмѣсто же его предается нечестивый. Во устѣхъ нечестивыхъ сѣтъ гражданомъ, чувство же праведныхъ благоспѣшное. Во благихъ праведныхъ исправится градъ, и въ погибели нечестивыхъ радование. Во благословіи правыхъ возвысится градъ, усты же нечестивыхъ раскопается. Ругается гражданомъ лишенный разума: мужъ же мудрый безмолвіе водить.

Премудрости Соломоновы чтеніе.

Праведныхъ души въ руцѣ Божіей, и не прикоснется ихъ мука. Непщевани быша во очесѣхъ безумныхъ умерети, и вмѣнися озлобленіе исходъ ихъ: И еже отъ насъ шествіе сокрушеніе, они же суть въ мирѣ. Ибо предъ лицемъ человѣческимъ аще и муку пріимуть, упованіе ихъ безсмертія исполнено: И вмалѣ наказани бывше, великими благодѣтельствовани будутъ, яко Богъ искуси я. и обрѣте ихъ достойны себѣ. Яко злато въ горнилѣ искуси ихъ, и яко всеплодіе жертвенное пріять я. И во время